



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regularis Ord. S. Augustini De
Imitatione Christi Libri Quatuor**

Thomas <von Kempen>

Coloniæ, 1723

XIX. De tolerantia injuriarum, & quis verus patiens probetur.

[urn:nbn:de:hbz:466:1-45773](#)

Nisi tu nos præcessisses, & docuiſſes, quis sequi curaret?

Heu, quanti longè retroque ma-
nerent, nisi tua præclara exempla
inspicerent!

Ecce adhuc tepescimus, auditis
tot signis tuis & doctrinis: quid fie-
ret, si tantum lumen ad sequendum
te non haberemus.

C A P U T X I X.

*De tolerantia injuriarum, & quis
verus patiens probetur.*

¶ **Q**uid est, quod loqueris, fili?
Cessa conqueri, consideratā
meā & aliorum Sanctorum passio-
ne.

Non dum usque ad sanguinem re-
stitisti.

Parum est, quod tu pateris, in
comparatione eorum, qui tam mul-
ta passi sunt, tam fortiter tentati,
tam graviter tribulati, tam multi-
pliciter probati & exercitati.

Opor.

Oportet te igitur aliorum graviora ad mentem reducere, ut levius feras tua minima.

Et si tibi minima non videntur, vide ne & hoc tua faciat impatientia.

Sive tamen parva sive magna sint, stude cuncta patienter sufferre.

2. Quantò melius ad patiendum te disponis, tantò sapientius agis, & amplius promereris: feres quoque levius animo & usu ad hoc non segniter paratis.

Nec dicas: Non valeo hæc ab homine tali pati, nec hujuscemodi mihi patienda sunt: grave enim intulit damnum, & improperat mihi, quæ nunquam cogitaveram: sed ab alio libenter patiar, & sicut patienda videro.

Insipiens est talis cogitatio, quæ virtutem patientiæ non considerat, nec à quo coronanda erit, sed magis personas & offensas sibi illatas perpendit.

3. Non est verus patiens, qui pati non

De Imitatione Christi
non vult, nisi quantum sibi visum
fuerit, & à quo sibi placuerit.

Verus autem patiens non attendit
à quo homine, utrum à Prælato suo,
an ab aliquo æquali, aut inferiori;
utrum à bono & sancto viro, vel à
perverso & indigno exerceatur.

Sed indifferenter ab omni creatu-
ra, quantumcunque, & quotiescun-
que ei aliquid adversi acciderit, to-
tum hoc de manu Dei grataanter ac-
cipit, & ingens lucrum reputat:

*Quia nil apud Deum, quantumli-
bet parvum, pro Deo tamen passum,
poterit sine merito transire.*

4. Esto itaque expeditus ad pu-
gnam, si vishabere victoriam.

*Sine certamine non potes venire
ad patientiæ coronam.*

*Si pati non vis, recusas coronari.
Si autem coronari desideras, certa
viriliter, sustine patienter.*

*Sine labore non tenditur ad re-
quiem, nec sine pugna pervenitur
ad victoriam.*

*Fiat, Domine, mihi possibile per
gratiam,*

gratiam, quod mihi impossibile videtur per naturam.

Tu scis, quod modicum possum
pati, & quod citò dejicio, levi exur-
gente adversitate.

Efficiatur mihi quælibet exercita-
tio tribulationis pro nomine tuo
amabilis & optabilis: nam pati &
vexari pro te, valde salubre est ani-
mæ meæ.

C A P U T X X.

*De confessione propriæ infirmitatis,
et hujus vitæ miseriis.*

i. **C**onfitebor adversum me in-
justitiam meam : confitebor
tibi , Domine, infirmitatem meam.

Sæpe parva res est, quæ me dejicit
& contristat.

Propono me fortiter acturum:
sed cùm modica tentatio venerit,
magna mihi angustia fit.

Valde vilis quandoque res est, unde gravis tentatio provenit.

Et dum puto me aliquantulum

L tutum